


SHANGAAN – “Heart Guide”

# MBILU YA MUNHU !

“Ndzi ta mi nyika timbilu letintswa, ndzi veka endzeni ka n’wina e moya lowuntswa.” *Ezekiel 36:26,27.*

Kutani loko u ri karhi u hlaya xibukwan lexi, ni ku dyondza swifaniso swa xona, u ta swi kota ku vona mbilu ya wena. Tshika rivoningo ra Xikwembu ri ku komba leswi mbilu ya wena yi nga hi xi-swona. Pfumela swidyoho swa wena, u nga tshuki u swi kaneta, hikuva Rito ra Xikwembu ri hi byela leswaku “loko hi vula leswaku a hi na vudyoho, ha tixisa, kutani ntiyiso a wu kona eka hina. Loko hi tivula swidyoho swa hina, Xikwembu xa tshembeka, xi lulamile ku hi rivalela swidyoho, ni ku hi hlantswa ku hamboloka hinkwako.” *I Yohane 1:8, 9.*

U fanele u fumiwa hi Satana kumbe Xikwembu; u mubohiwa wa vudyoho kumbe nandza wa Xikwembu. Loko vudyoho byi fuma vutomi bya wena, u nga kaneti, kambe huwelela eka Xikwembu. Kutani xona xi ta ku ntshunxa, ha Yesu Kriste la nga ta emisaveni leyi ku ta ponisa vadyohi, ni ku herisa matimba ya Satana kun’we ni vudyoho exikarhi ka hina. Hi yena ku kutsuriwa ka hina. Sweswi u le mahlweni ka Xikwembu lexo kwetsima, lexi vonaka swihundla hinkwaswo, ni meehleketo leyi tumbetiweke, ni mitirho leyi fihliweke ya vutomi bya wena. “Hikuva mahlo ya xona ma languta mikhuva ya vanhu. Xi languta mafambela ya vona hinkwavo. A ku na munyama, a ku na mindzhuti ya rifu, laha vadyohi va nga tumbelaka kona.” *Yobo 34:21, 22.*



**EXIFANISWENI XO SUNGULA** hi vona leswaku “mbilu yi ni mano eku tlula hinkwaswo, yi borile ngopfu; yi nga tiviwa i manike?” *Yeremia 17:9.* “Leswi humaka ka munhu hi swona leswi nyamisaka, munhu. Hikuva endzeni, etimbilwini ta vanhu, hi laha ku humaka meehleketo leyo biha, ni vuoswi, ni vugangu ni ku dlaya, ni ku yiva, ni ku navela rifuwo, ni lunya, ni kuxisa, ni kutitshika, ni mahlo layo biha, ni xisandzu, ni ku tikurisa, ni vuhunguki: Ku biha kuloku hinkwako ku huma endzeni, kutani hi kona loku nyamisaka munhu.” *Marika 7:21, 22, 23.*

**PHIKOKO** yi vulavula hi xidyoho xa ku ku tikurisa. **MBUTI YA XIPHONGO** yi vulavula hi ta ku navela ka nyama, byi nga vugangu, ni vumbhisa, ni vuoswi. **NGULUVE** yi vula vula hi swidyoho swa ku pyopyiwa ni makolo. **XIBODZE** xi vulavula hi timhaka ta futa, ni ku hangalasa nkarhi, ni vuloyi. **YINGHWE** i xihari lexo



chavisa ni xa lunya swinene, kutani xona xi kombisa rivengo, ni vukari, **NYOKA** yi yimele ku kombisa vukwele. **CHELA** ri vulavula hi swidyoho swa makolo, ni rirhandzu ra mali, ri nga rimitsu ra vudyoho hinkwabyo. *I Tim. 6:8-10.* **SATANA** i tata wa vahembi hinkwavo, ni lava vulavulaka vunwa. **NYELETI** i ripfalo embilwini ya munhu un’wana ni un’wana. Loko ku biha ku va kona, ra nyami-siwa. **TIHLO** ra Xikwembu ri vona hinkwaswo leswi anakanyiwaka embilwini ya munhu. Kutani a ku na nchumu lexi nga fihleriwaka tihlo ra xona leri pfurhaka. **MALANGAVINYANA YA NZDILO** lama rhendzeleke mbilu ya munhu ma kombisa rirhandzu ra Xikwembu leri rhendzelaka mbilu leyi dyohaka. **NTSUMI** yi fanisa Rito ra Xikwembu. **TUVA** i xifaniso xa Moya lowo Kwetsima.

**XIFANISO XA VUMBIRHI** xi kombisa **MBILU LEYI HUNDZUKAKA**, yi nga leyi sungulaka ku lava Xikwembu. Kutani





ni loyi a rhurhumelaka hi rito ra mina." *Esaya 66:2*. "Hikuva loko u vula hi nomu wa wena leswaku Yesu i Hosi, ni loko u pfumela embilwini ya wena leswaku Xikwembu xi n'wi pfuxile ku feni, u ta ponisiwa." *Rom. 10:9*.

**XIFANISO XA VUMUNE** xi vulavula hi Mukriste la kumeke ku rhula loku hetisekeke ni ku kutsuriwa loku humeleleke hi gandzelo ra Hosi ya hina, ni Muponisi wa hina Yesu Kriste, hikuva a nga tidzhunisi ha nchumu, "loko ku nga ri hi xihambano xa Hosi ya hina, Yesu Kriste, loyi misava yi vamberiwe mina ha yena, na yena o vambiwile ka yona." *Gal. 6:14*. Yesu o file exihambanweni leswaku na hina, "hi fa hi tlhelo ra swidyoho, kambe hi hanyela ku lulama." *I Pet. 2:24*. Hi lerisiwa leswaku hi "famba hi Moya, hi nga tshuki hi tsakisa ku navela ka nyama." *Gal. 5:16, 25*. Ku ni lavo tala lava vuriwaka Vakriste, lava khongelaka ekerekeni, va dya ni Xilalelo xa Hosi, va yimbelela ni tinsimu ta Xikwembu, kambe swi ri leswaku hi mitirho ya vona leyo biha, va vamba Muponisi wa vona hi vuntshwa. Kutani kwala, hi tlhela hi kuma nkwama wa mali lowu nga wa Yudas, la nga xenga Hosi Yesu, a tlhela a n'wi xavisa hi makume manharhu ya macheleni. Rivoningo, ni timpecana, ni swin'wana swi tirhisiwile hi masocha lama nga ta ta boha Yesu ni vusiku. Vuhlolotwana, lebyi ha kanyingi byi talaka kutirhisiwa emhakani yo bvumba, byi tirhisiwile hi masocha loko va avelana tinguvu ta yena.

*Psalma 22:18*. Va tekile hinkwaswo leswi ingi swi ri swa Yesu, kambe yena hi xiviri va n'wi tshika, va ku: "A hi rhandzi ku fumiwa hi munhu loyi."

Masocha va n'wi tlhavile tsheve ni mbilu hi fumu "kutani kan'we ku huma ngati ni mati." *Yohane 19:33-37*. "Hi mukhuva wolowo, na n'wina ringanisani leswaku mi fele vudyoho ni leswaku mi hanyela Xikwembu ha Yesu Kriste. "Kutani sweswi vudyoho byi nga tshuki byi fuma emmirini wa n'wina lowu faka." *Rom. 6:11, 12*. "Hikuva mi file, kutani vutomi bya n'wina byi fihliwile na Kriste eka Xikwembu." *Kol. 3:3*.

**XIFANISO XA VUNTLHANU** xi kombisa **MBILU LEYI BASISIWEKE NI KU KWETSIMISIWA**, ya mudyohi la ponisiweke hi musa ni hi tintswalo letikulukumba ta Xikwembu. Sweswi mbilu leyi yi hundzukile tempele ya Xikwembu, lomu ku hanyaka Xikwembu Tatana, ni N'wana, ni Moya lowo Kwetsima, tani hi laha Hosi Yesu Kriste a nga tshembisa ha kona, loko a te, "Kungaku loko munhu a ndzi rhandza, o ta hlayisa marito ya mina: kutani Tatana o ta n'wi rhandza, kutani hi ta ta ka yena, hi aka ka yena." *Yohane 14:23*.






Ematshan'weni ya vutshamo bya manyala ya vudyoho, sweswi mbilu yi hundzukile nsinya lowo saseka lowu tswalaka mihandzu; mihandzu ya Moya, yi nga rirhandzu, ni ku tsaka, ni ku rhula, ni ku yingisela, ni ku tsakelana, ni vunene, ni ku tshembeka, ni ku olova, ni ku tikhoma, ni mihandzu yin'wana leyi tsakisaka emahlweni ka Xikwembu ne mahlweni ka vanhu. *Gal. 5:22, 23.*

Kwala xifanisweni lexi, hi tlhela hi vona ntsumi loko yi tlhela yi humelela, tintsumi ti nyikiwile ntirho wa ku tirhela lava nga ta kuma vutomi lebyi nga heriki, na swona ti tshama hi masiku ekusuhi ni vanhu lava chavaka Xikwembu. *Psalma 34:7.* Kambe na yena Diabolos o tshamile kusuhi ni mbilu swangi hi loko a rindzele ku kuma nkarhi wo tlhela a nghena endzhawini leyi ingi a a tshama ka yona. Hikwalaho, ha layiwa ku tshama hi ri karhi hi hiteka ni ku khongela, hikuva "nala wa hina, a nga Diabolos wa hi wonga ku-kotisa nghala leyi vombaka, yi lava loyi yi nga n'wi dyaka." *1 Pet. 5:8.* "Xana a mi swi tivi leswaku mi tempele ya Xikwembu, ni leswaku Moya wa Xikwembu wu akile ka n'wina xana?" *1 Kor. 3:16, 6:19, 20.*

**XIFANISO XA NTSEVU (6) i xifaniso lexi vavisaka xa MUNHU LA TLHELELEKE NDZHAKU.** Tihlo rin'wana ra sungula




ku swinya, ri komba leswaku o sungula ku hola ni ku etlela evuto-mini bya yena bya Vukriste, kasi lera tlhelo tihlo ri rhalarhala ematlhelo, ri tsakisiwa hi swa misava. Rivoningo ra le ndzeni a ra ha voni swinene, kasi na swona swifaniso leswi nge mbilwini ya yena swa ku komba ku tiyimisela ku xiniseka swin'we na Kriste, a swa ha yimanga kahle. Sweswi o rhendzeriwile hi miringo leyi kutani a yi pfumelelaka ematshan'weni ya ku yi alela. Hambi leswi a tamaka a ha nghena kereke, a fihla mikhuya ya misava endzeni ka baji ra vukhonger, kambe rirhandzu ra Xikwembu se ra titimela embilwini ya yena. Nyeleti ya le mbilwini ya yena, ri nga ripfalo, ri lava ku timeka. Xihambano xa Hosi a xa ha rhwariwi hi ku tsaka, kambe se xo hundzuka ndzwhalo lowo tika, lowu nga lavekiki. "Hitekani, mi khongela mi nga ti nghena eku ringiwini, hikuva moya wu ni mapfundzu, kambe nyama yi tsanile." *Mateo 26:41.* "Kambe la lulameke o ta hanya hi ku pfumela, kambe kungaku loko a tlhelela ndzhaku, moya wa mina a wa ha n'wi tsakeri." *Heb. 10:38.* "Tsu-ndzukani nkata Lot." *Luka 17:32.*

**XIFANISO XA NKOMBO (7) xi vonakarisa matshamelo ya MBILU YA MUNHU LA TLHELELEKE NDZHAKU,** leswaku endzhaku la leswiya a nga tshama a kuma ku vonakala, na leswaku

a a nantswile nyiko ya le tilweni, ni ku averiwa Moya lowo Kwetsima, kambe sweswi o wile. Munhu loyi a nonon'hwisaka mbilu ya yena loko Xikwembu xi ri karhi xi vulavula na yena, o ta engeteleka ku biha hi ku tlurisa, hambu loko yena n'winyi a ringeta ku tivuyisela ndleleni. Malunghana ni mhaka ya munhu la tlheleleke ndzhaku, yena Yesu hi xiviri, o kombisile timhaka ta yena, loko a te, "moya lowo biha wu humile ka munhu, wu tiyela mananga, ku ya lava ku wisa, kute loko wu ku pfumarile, wu ku: ndzi ta tlhelela endlwini ya mina leyi ndzi humeke ka yona. Kutaku loko wu fika kona, wu yi kuma yi kukuriwile, kambe yi lunghisiwile. Kutani wu ya lava mi-moya yin'wana ya ntlhanu na mimbirhi leyi wu tlulaka hi ku biha, kutani yi nghena yi tshama kona; kutani mahelela ya munhu loyi: ma tlurisa masungulo hi ku biha." *Luka 11:24-26.* "Kambe va humeleriwe hi mhaka ya xivuriso lexinene lexi nge: Mbyana yi tlhelele mahlantini ya yona, ni nguluwe, loko yi hlantswiwile, yi tlhela yi puluvundza endzhopeni." *2 Pet. 2:22.* Loko xifaniso lexi xi tshuka xi fana ni matshamelo ya mbilu ya wena, wena muhlayi, huwelela eka Xikwembu hi mbilu hinkwayo, u nga tshuki u hlwela, "Xona, xa swi kota ku ponisa hi ku hetisisa." *Heb. 7:25.* "Namutlha, ioko mi yingisa rito ra yena, mi nga tshuki mi nonon'hwisa timbilu." "Munhu la fanelaka hi ku tshinyiwa, kutani a nonon'hwisa nhamu





(ni mbilu), o ta tshoveka kan'we-kan'we, ku nga ri na murhi wo n'wi dyaha." *Swiyuriso 29:1.*

**XIFANISO XA NHUNGU (8)** xi kombisa **MUDYOHI LOYI A HANGALASAKA NKARHI KUMBE KUTINONON'HWISA**, loko a ri karhi a tshinelela rifu. Rifu (ripala) ri fikile hi nkarhi lowu anga wu rindzelangiki. Mitsakiso leyi xisaka yi hundzile, kutani hakelo leyikulu ya vudyoho lebyi chavisaka yi fanele ku amukeriwa. Nhlomulo wa tihele wu tshikelerile loyi a weleke kona. Kutani hambi leswi se a lavaka ku khongela, kambe o kuma swi n'wi nonon'hwela ku hlangana ni Xikwembu lexi a nga fularhela rirhandzu ra xona hi nkarhi wo leha. "Hakelo ya xidyoho i rifu." *Roma 6:23.* "I mhaka leyi chavisaka ku wela emavokweni ya Xikwembu lexi hanyaka." *Va-Heberu 10:31.* "Kaku loko a ri xivandleni xa vafi, a tshama eku vavisekeni, a tlakusa mahlo a ri kule." *Luka 16:19-31.*

**XIFANISO XA KAYE (9)** xi yimele ku kombisa **MUKRISTE LOKO A RI KARHI A TIYISELA, A HLULA** miringo leyo biha. Kambe kaku loko a ri karhi a ringiwa matlhelo hinkwawo, a khomelela ni ku tiyisela ku ya fika makumu, hikuva o hlula hi ku tlurisa ha Yesu Kriste. Kambe Satana ni mavandla ya yena, o rhendzerile mbilu ya mupfumeri, a ri karhi a ringeta ku hambukisa n'wana wa Xikwembu. Munhu la khomeke nghilazi ra byala hi voko, wa cina

a ri karhi a rhendzelekela Mukriste, a ringeta ku n'wi ringa hi mitsakiso ya misava. Kambe a swi khumbi nchumu eka Mukriste loyi a tinyiketeleke, hikuva o vambiwiwe na Kriste ni tlhelo ra xidyoho ne ka misava. **NYELETI** ya ripfalo ra yena yi basile. **NKWAMA WA MALI LOWU NGA PFULEKA** wu kombisa leswaku a hi mbilu ya yena ntsena, kambe na yona mali ya yena o yi nyiketile eka Xikwembu. **LOFU RA XINKWA** ni **NHLAMPFI** swi kombisa leswaku evutomini bya yena, o hanya eku tengeni. A nga tinyamisi hi swakunwa leswi pyopyisaka.

**BUKU LEYI PFURIWEKE** yi kombisa leswaku **BIBELE** hi yona ntsena buku leyi pfulekeke ka yena, kutani wa yi hlaya ni ku yi dyondza hi masiku hinkwawo. "I mani la nga hi hambinyisaka ni rirhandzu ra Kriste xana? Xana i ku karhateka, kumbe maxangu, kumbe ku xaniseka, kumbe ndlala, kumbe vusweti, kumbe mhangu, kumbe fumu? Kambe eka leswo hinkwaswo, hi hlula hi ku tlurisa ha loyi a hi rhandzeke." *Roma 8:35-37.* Hikuva un'wana ni un'wana la tshamaka ka yena a nga dyohi." *I Yohane 3:6-10.* "Hikuva hinkwaswo leswi tswareweke hi Xikwembu, swi hlula misava: kutani ku hlula loku hlulaka misava, i ku pfumela ka hina." *I Yohane 5:4, 5.* "Hi hlula hi ku tlurisa ha loyi a hi rhandzeke." *Rom. 8:37.*

**XIFANISWENI XA KHUME** hi vona leswaku munhu loyi a a hanya, ni ku famba ni Xikwembu, a nga ha chavi rifu. Loko nkarhi wa yena wa ku suka emisaveni wu fikile, o ta tifambela hi ku tsaka, kukotsisa hi laha Muapostola Paolo a nga vula ha kona, loko a te, "ndzi ni ku navela ku suka, leswaku ndzi va na Kriste, hikuva hi yona mhaka leyi sasekeke ka mina ku tlurisa." *Filipia 1:23.* "Vuako byi tele endlwini ya Tatana; ndzi ya mi lunghisela kona. Ndzi ta tlhela ndzi vuya, ndzi mi teka mi ta ka mina, leswaku laha ndzi nga kona, mi va kona na n'wina." *Yohane 14:1-4.* "Tihlo a ri si vona, endleve a yi si ti twa, a ti humelelanga embilwini ya munhu timhaka teto, Xikwembu xi ti lunghiseleke lava xi va rhandzaka." *I Kor. 2:9.* "Ku katekile vafi lava feleke Hosini, ku sungula sweswi. Moya wu ri: Ina, leswaku va phyuphya emitirhweni ya vona, hikuva mitirho ya vona yi va landzela." *Hlav. 14:13.* "Hi swona, nandza lonene la tshembekaka, nghena eku tsakeni ka Hosi ya wena." *Mateo 25:21.*

#### A hi khongeleni:

Oho Xikwembu, ndzi ta ka wena ni mbilu ya mina ya vudyoho, leyi nonon'hwaka. A ndzi swi koti ku yi hundzuluxa. Teka mbilu ya mina xi-sweswo. Oho Xikwembu, vumba endzeni ka mina e mbilu leyo tenga. Yi tate hi Moya lowo Kwetsima ni rirhandzu. Amen.



For free Gospel literature, books and tracts in over 520 languages, write to:

**E-MAIL: info@angp.co.za**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)